

Object da referenza per auters

Cuira: Surdada dal premi «Il Cristal» da Pro Infirmis

DA GION NUTEGN STGIER / ANR

■ **Dals passa 30 objects inoltrads ha la vischnanca da la scola da Scuol è in model exemplaric per la construcziun senza obstachels.** Cusseglie governativ *Stefan Engler* ha surdà il 6. premi «Il Cristal» da Pro Infirmis. La Pro Infirmis è ina organisaziun svizra che s'engascha ferm per persunas cun impediments. Dapi il 2004 surdat l'organisaziun grischuna mintg'onn ad ina persuna, ad ina interpresa, ad ina organisaziun u er ad ina uniun che s'engascha en moda speziala per bain dals impediads il premi «Il Cristal». Cun il Cristal 2009 vul Pro Infirmis sensibilisar la publicitad per l'egualitad e l'integraziun d'umans cun in impediment. Per il premi 2009 èn stads en concorrenza objects che correspundan a las pretensiuns da la construcziun senza obstachels ed èn fabritgads per persunas cun impediments.

In model exemplaric

La gronda part dals 30 objects nominads ha ademplì las pretensiuns da la concorrenza e da la giuria. Nominads per il premi 2009 èn stads la scola da Scuol, la butia Volg d'Andeer, l'entrada dal bajetg dal cussegl grond a Cuira, il plaz baselgia San Spiert a Puntraschigna e la pendiculara Razén-Veulden. Persavdi la giuria, cun persunalitads grischunas il pli fitg, ha la nominaziun da la vischnanca da Scuol. La chasa da scola da Scuol saja in model exemplaric per la construcziun senza obstachels e duai er esser in object da referenza per auters edificis, ha ditg cusseglie governativ *Stefan Engler* tar la surdada dal premi ier a Cuira.

Betg ina cuntschadira

Il concept general da la chasa da scola da Scuol cun rampas, muntastgalas ed in edificis annex cun ascensur ha persavdi la giuria en tuts regards. In'ovra bain ponderada che correspunda a la pre-

tensiun per sutgas cun rodas. Il nov edificis annex da la chasa da scola existenta n'è betg ina mesura singula, mabain in'ulteriura contribuziun a l'implant general concepì senza obstachels. Grazia a la tenuta positiva da la vischnanca n'è il resultat betg ina cuntschadira cun mesuras punctualas, mabain in'ovra bain ponderada.

Questa moda da construir senza obstachels garantescha in manaschi da scola senza difficultads ed è la premissa per la scolaziun integrativa d'umans cun impediments. Ina reconuschientscha speziala mereta tenor l'opiniun da la giuria il fatg che la vischnanca da Scuol – che na sa chatta finanziailmain betg en ina situaziun confortabla – è sa decidida per ina soluziun optimala, malgrà ils custs supplementars. Cusseglie governativ *Stefan Engler* ha surdà «il Cristal» da Pro Infirmis al president communal da Scuol, *Jon Domenic Parolini*, che è sa mussà pli che ventjraivel da questa onur.



Or dals mauns da cusseglie governativ *Stefan Engler* (san.) ha *Jon Domenic Parolini* (dretg), il capo communal da Scuol retschet il cristal desiderà.

FOTO G. N. STGIER